

港東港西



▲國泰「空中女王」747型號客機正式退休

大公報記者馮翰林攝



▲747-400的機長駕駛室

大公報記者馮翰林攝



▲「空中女王」上層的商務客位
大公報記者馮翰林攝

國泰空中女王「退位」

市民「送機」狂閃特閃「留倩影」

國泰服務37年、有「空中女王」之稱嘅747型號客機，係9月30號同10月1日號完成來往香港同東京之後，就已經退役。國泰飛機飛起飛前，分別係香港同東京都有舉行歡送儀式，乘客可以搵空姐合照，又可以暢飲香檳同果汁，氣氛好熱鬧。鄭晴都體驗咗一日之內往返香港同東京嘅空姐生活。我哋臨上機之前，仲有紀念品收，包括一張由機組人員簽名嘅飛行證書，以及特別為747退役而製嘅珍藏品。

既然係最後一班客機，又陪咗香港人咁多年，當然吸引到好多乘客或者飛機迷前嚟送別啦！郭生特登由溫哥華飛返嚟香港坐呢班747，之後就要匆匆飛返溫哥華。佢話，六歲嗰陣第一次搭飛機都係國泰747，而國泰嘅747係好唔同，因為係首間公司引入私人電視，所以都唔捨得747退役。來自馬來西亞嘅李先生就話，今次專登飛嚟香港，就係要搭呢班747型號，因為自己對747好有感情，第一次搭飛機就係搭747，當年仲係啟德年代！

鄭晴當日絕對感受到乘客嘅熱情。當扣好安全帶嘅提示燈熄咗，大批乘客離開座位，機艙唔同位置影相留念，電視、艙門甚至洗手間都唔放過，當然最受歡迎就一定係四位着住唔同年代表

制服嘅空姐，佢哋企機上著名嘅樓梯昇飛機迷、傳媒影相。結果兩條通道全部都塞滿晒人！不過機迷相當貼心，除咗同空姐合照之外，仲送埋自製小禮物畀佢哋添。機長一度幽默咁話，空姐始終要派餐，希望大家先返座位，如果唔係就攞「扣好安全帶」掣。

首架降落赤鱗角機場嘅飛機

10月1號下午二時左右，747終於由東京返港。機長John Graham落機之後就話，今次係最後一次同乘客一齊飛747，又多謝747保護佢平平安安，飛越颶風、塵暴、戰火區域等，係一架相當硬淨嘅飛機。自己仲係747上面識到老婆添。機艙客務經理Chaivaree Chitrakorn話，自己80年代加入國泰，見證747由200發展到400型號。除咗係747退役，自己都就嚟退休。佢一度哽咽，感謝機迷送上明信片、朱古力等小禮物。唔少空姐空少仲專登用trump card申請要嚟呢班機服務呢！

呢班機「B-HUJ」係最有名嘅國泰747，因為係首架在赤鱗角香港國際機場降落嘅飛機，亦係首架飛越北極上空、創下7465海里直航飛行紀錄嘅飛機。而家最終退役，鄭晴不禁想起Eason首歌，「當世事再沒完美 可還在歲月如歌中找你」。



▲四位空姐都穿上不同年代的國泰制服
大公報記者馮翰林攝



▲機長John為乘客簽名

大公報記者馮翰林攝



▲飛行證書



▲珍藏紀念品



陳民傑教你避免「關公災難」

金管局前傳訊總監、圓通財經公關顧問有限公司董事陳民傑（Thomas）人緣好就人所共知。但原來佢唔只老友多多，仲對社會好有責任心，經常四出講Talk，幫年輕人提供職業建議同參與公共事務機會。Thomas上星期仲榮獲諾貝爾獎學人系列《亞洲社會關愛領袖獎》，貢獻備受社會肯定。

對得獎有咩感受？Thomas話，但秉持嘅信念係學以致用，而作為一個係企業傳訊及公關領域嘅專業人士，

最「學以致用」方法，就係將知識薪火相傳。Thomas而家係中文大學投資學會（Strategic Investment Society）導師，仲係浸大傳理碩士課程嘅兼任講師，見到對公關行業有興趣嘅學生，仲會邀請佢哋當實習生。鄭晴溫馨提示，鍾意公關行業嘅年輕人，都可以向Thomas偷下師，相信日後香港「肯肯定」會少好多「關公災難」。

榮獲社會關愛企業卓越獎的機構仲包括南豐集團、中銀人壽、BNP PARIBAS和四洲集團。



▲Thomas經常四出講Talk，幫年輕人提供職業建議



更多內容歡迎掃描二維碼，瀏覽大公網「港東港西」專題

黃之鋒又勾結「台獨」勢力

「香港眾志」秘書長黃之鋒做咗羅冠聰嘅議員助理之後，尋日「巧威威」係facebook發帖，話去咗台北出席華人民主書院嘅講座，分享一下香港選舉經驗，青年參政面對嘅挑戰。但仲會同主張「台獨」嘅時代力量黃國昌，「太陽花運動」陳為廷和施懿倫會面，還自曝話「香港眾志」創立之前就過去過台灣搵佢哋，「盼望能讓兩地互相借鑑。」所謂「一朝得志，語無倫次」，黃之鋒都係讀好啲書先啦，又無論據又唔係自己參選。而家勾結「台獨」勢力，之前仲夠膽話唔搞「港獨」，真係「信你一成，雙目失明」。

「泰博」連環串錯字

不過，議會「本土新勢力」一對比，就真係「五十步笑百步」。立法會網頁日前上載各議員嘅履歷資料，唔學歷一欄，熱血公民鄭松泰只係填咗「社會學博士」，刻意忽略自己係北京大學研讀過。而英文版仲好笑，將社會學嘅英文Sociology寫成「PhD in Sociology」，辦公室的地址屯門（Tuen Mun）錯寫成Tuen Mum。不過後來已經更正。「泰博」做咩咩？係咪驚得罪「本土派」呢？社會學博士連「社會學」都串錯，仲要連環串錯字，「笑死朕」咩！

「青政」林浩基涉煽動殺警

「青年新政」嘅「軍師」林浩基日前係facebook轉發一段發生係中東國家巴林首都麥納瑪、有民眾向警察總部擲燃燒彈嘅短片。但留言回應網民嗰陣，又提到燃燒警局嘅行動細節，例如「香港既（嘅）建築無咁易燒，但若然衝入報案中心先燒值嘅警察，再向四周投擲，完成後迅速離場，應該四五個人就可以。」不過，他在最後聲稱：「我講緊電影劇本啦」。據了解，有警察亦好不滿，係內部群組轉發有關報道，指每個人都應該發聲譴責，亦希望警方盡快果

斷咁拘捕佢，認為此風不可長，絕對唔可以畀咁樣嘅言論同風氣蔓延落去。

嘩，「青政」有呢啲所謂「軍師」，唔怪得咁嘅質素啦！講嘢又不負責任，亂噏當秘笈，希望警方真係要嚴正執法。另外，黃毓民同「青政」咁大仇口，由佢創辦嘅網台MyRadio，尋日亦決定即時停止轉播林浩基有份主持嘅網台節目「米港時事」。林浩基則聲稱，「連半句都無鬧過「熱普城」，想起當日毓民封咪，真係歷史在笑。」惡人自有惡人磨，小二，嚟多兩斤花生，唔該！

香港社區組織協會將「棺材房」搬至銅鑼灣街頭展出

大公報記者孫爍攝

廿呎「棺材房」真實體驗

十月五日係世界居所日，鄭晴尋日見到一個「衣櫃」係銅鑼灣展出，莫非係唱梁漢文首K歌「躲於衣櫃裏，躲於失落裏……」鄭晴仔細睇睇，原來展出嘅「衣櫃」係一個真實住人嘅「棺材房」。香港社區組織協會幹事Angela話，佢家係深水埗、油麻地、北角甚至灣仔，仲有好多咁嘅「棺材房」。係800至1000呎嘅空間，可以擺放35至45個床位，平均每個人淨係有20呎嘅空間，平均八個人共用一

個廁所，租金仲要2000幾蚊！

72歲嘅嚴生依家住係油麻地嘅一個「棺材房」入面，但每個月賺5300蚊，棺材房嘅租金就已經要2600蚊，佢係度住咗17個月，其實嚴生都有申請公屋，但係等咗兩年都未輪到。「一日24小時，我有17小時出街，去圖書館、公園坐，睡覺再返去。」嚴生話，自己年紀大，行動唔方便，「棺材房」空間細，其實上落床對佢都係好難。嚴生又同鄭晴話，租房剩低嘅錢都不夠食飯，肚餓就搵社區中心提供嘅免費麵包和奶茶。

Angela話，藉世界居所日，佢哋想透過活動向公眾訴說嘅繁華都會背後貧困嘅一面，希望政府增建公屋，設立中短期房屋策略，以過渡性房屋安置劏房居民。但佢仲會由今日至十月九日係香港文化中心展出由攝影師Benny Lam影嘅「僑住」房屋攝影展，展現劏房居民嘅生活。

大局為重 阿田或棄選立會主席

立法會下周三就會召開新會期首次大會，選出新一任立法會主席，建制派今日就會舉行「武林大會」，傾吓推薦邊位仁兄競逐「盟主」。不過呢個位實在太搶手，反對派都對此垂涎三尺，想派人出選，而早前公開表態想做主席嘅新民黨田北辰（阿田）出席電視節目時就話，如果今日「武林大會」未能夠協調主席人選，他就會宣布放棄，改投大熱人選經民聯梁君彥一票。

立法會主席寶座誰屬，成為政界近

期最矚目議題之一，而建制議員入面，就屬工業界議員、經民聯梁君彥呼聲最高。不過，同樣有意角逐主席嘅田北辰尋日就話自己手上已拎夠提名啦，希望今日可以說服建制用暗票進行初選。但係，阿田話，如果最後建制派得出共識唔搞初選，都會以大局為重，放棄出選。

鄭晴都相信，今日「武林大會」結果將會相當關鍵，但係梁君彥呼聲咁高，唔知阿田又點睇呢？田北辰就透露，

重▶阿田話會以大局為重



梁君彥曾經搵過佢拉票，如果建制決定派梁君彥出選，但都會投票支持，因為始終都希望由建制派出任主席嘅。